

[*en marge*] Parochialis de Speluncato

Die eadem in vesperis et paulo post.

Praefatus dominus visitator (etc.) visitavit ecclesiam parochialem, plebaniam nuncupatam de Speluncato, cuius ad praesens est plebanus et rector admodum reverendus dominus Ambrosius de Leonibus, quam assequutus fuit quinquaginta circiter annis abhinc per resignationem eius favori factam ab admodum reverendo domino Marco Aurelio de Leonibus tunc temporis huius ecclesiae plebano, percipiens in annuo reddito libras mille monetae genuensis, consistentes in decimis, primitiis, oblationibus et in aliis proventibus bonorum stabilium dictae ecclesiae.

Visitavit sanctissimum sacramentum, quod invenit asservari in pixide ex auricalco cum cuppa argentea in totum deaurata, conopaeo rubei coloris instructa cum cruce in eius summitate, et est ad formam atque inservit pro adoratione et communionibus generalibus. Visitavit etiam aliam pixidem ex auricalco cum cuppa argentea in totum deauratam(?) pariter ad formam et inservit pro asportando sanctissimo ad infirmos; mandavit eam provideri de conopaeo saltem infra mensem. Visitavit ostensorium pro expositione et asportatione sanctissimi sacramenti in processionibus, et est ex auricalco in totum deauratum cum suo vitro ad formam. Vidit baldachinum sericum pro deferendo dicto sanctissimo et umbellam, in summitate cuius mandavit apponi crucem, nec non velum humerale et turribulum ex auricalco cum eius navicula, et sunt ad formam. [318r] Pluviale non adest, ideo mandavit de eo provideri saltem infra annum. De caere<r>is pro deferendo sanctissimo providetur a communitate, quae etiam providet de oleo pro lampade quae continuo ante ipsum sanctissimum sacramentum ardet.

Dictum sanctissimum sacramentum asservatur ad altare maius in tabernaculo ligneo in totum deaurato, conopaeo albi coloris instructo et munito sera secreta et clave, quam mandavit deaurari saltem infra bimestre. Supra dictum tabernaculum pendet baldachinum ad formam.

Visitavit fontem baptismalem, cuius vas est constructum ex lapidibus et calce et est deterioris formae, et ideo mandavit in meliorem readaptari saltem infra sex menses. Ciborium eius est ligneum, sed male tentum et male munitum sera secreta et clave, ideo mandavit de iisdem melius provideri saltem infra bimestre; de cochleari stanneo pro aqua suscipienda est bene provisus, et etiam est constructus [= instructus] conopaeo cerulei coloris; mandavit supra ipsum poni baldachinum vel umbella infra sex menses.

Prope dictum fontem visitavit sacrarium, quod mandavit muniri ostiolo cum sera secreta et clave quae detineatur paenes dominum plebanum. Vidit vasa argentea oleorum chrysmatis et

cathecumenorum, et sunt ad formam, nec non vidit oleum infirmorum in vase argenteo et mandavit in posterum asservari in fenestrella quam mandavit fieri in pariete prope altare maius in cornu evangelii, intus vestitum panno violacei coloris, ostiolo munitam, cum sera et clave quae detineri debeat paenes dominum plebanum, cum inscriptione *Oleum infirmorum*.

Visitavit altare maius, quod manutinetur a communitate absque ullo reddito et onere, et est sufficienter provisum de necessariis ad celebrationem missae et providetur de candelis a quodam consortio mulierum ibi erecto cum auctoritate ordinarii, quae gubernatur a domino plebano sub quibusdam regulis ab eodem ordinario approbatis; et habent suas officiales, cuius caput vocatur priora, et renovantur singulis annis, computa tunc temporis redentes coram domino plebano. Habent massam pecuniariam constitutam ex contributionibus [318v] certis annuis dictarum sororum, de qua providere solent etiam de ceris sorores defunctas.

Visitavit altare sub invocatione sanctorum Rocchi et Sebastiani manutentum ab eadem communitate absque ullo reddito et onere, et est tolerabiliter provisum de icone et caeteris necessariis ad celebrationem missae quae solet aliquando in eo celebrari.

Visitavit altare sub invocatione beatae Virginis manutentum a praedicto consortio mulierum, et est provisum cum ornamento circum circa columnarum ex calce et etiam de reliquis necessariis ad celebrationem missae quae aliquando solet in eo celebrari absque ullo reddito et onere. Vidit bredellam [sic] dicti altaris fractam in aliqua parte et ideo mandavit saltem infra mensem readaptari. Coram dicto altari pendet lampas ardens ex elemosinis piorum. Pavimentum est etiam fractum, et mandavit infra mensem resarciri.

Visitavit altare sub titulo Conceptionis beatae virginis Mariae, quod manutinetur a communitate, nullum habens redditum nec onus et est provisum de necessariis ad celebrationem missae quae in eo solet saepe celebrari ex devotione. Dictum altare est munificentius erectum cum ornamento colu[m]narum sculptarum sub ficto porfido, et supra ipsum altare adest imago beatae Virginis sculpta ex marmore intra cancellos vitreos reclusa, et est ad formam. Prope dictum altare vidit scamnum pulchrae formae fabricatum pro conservandis suppellectilibus sacris eiusdem altaris, sed adhuc in eo non asservantur.

Doctrina christiana docetur per dictum dominum plebanum singulis diebus dominicis inter

missarum solemnia.

Nuptiae rarius benedicuntur, et ideo mandavit in posterum benedici ad formam missalis romani.

Visitavit sedem confessionalem ad formam, ideo mandavit apponi schedulam casuum reservatorum et bullae Coenae.

Visitavit suppellectilia sacra, quae invenit asservari in choro in quodam scamno et invenit satis abundantia et pretiosa; scamnum dictum est etiam munitum sera secreta et clave quae detinetur paenes dominum plebanum.

Visitavit campanile cum duabus campanis ad formam.

[319r] Vidit etiam pulpitum ad formam, in quo solet tempore quadragesimali concio haberi ad populum alternatim [*espace en blanc*] ecclesia parochiali, quae reperitur hoc loco.

Corpus ecclesiae est dealbatum et ad formam et etiam eiusdem fores sunt ad formam cum sera secreta et clave quae detinetur paenes prioram.

In dicta ecclesia non adsunt monumenta sepulcralia, et dictum fuit cadavera defunctorum huius parochiae ut plurimum asportari sepelienda ad ecclesiam sancti Francisci, et etiam aliquando sepeliuntur in ecclesia in quibusdam foveis et aliquando sepeliuntur in oratorio laicali, in quibus reperitur monumentum pro communitate. In hac ecclesia solet etiam recitari rosarium beatae Virginis per plebanum.

Visitavit libros parochiales et mandavit dictos libros de novo et melioris formae confici et in eis omnino servari formam ritualis romani in conscribendis matrimoniis et in nominibus baptizatorum et defunctorum. Vidit etiam librum de statu animarum et mandavit novum confici ad formam meliorem.

Animae huius parochiae sunt in totum trescentum, ex quibus communicantur biscentum et viginti, et omnes paruerunt praecepto ecclesiae, et ut certo certius sciatur in posterum an omnes communicaverint mandavit distribui schedulas et recolligi priusquam tempus paschale terminetur.

Intra limites huius parochiae reperitur caenobium Cappucinatorum divi Francisci et etiam duo presbiteri, scilicet presbiter Petrus de Ivantis et presbiter Virgilius Rifacirolus, qui ultimus fuit iam in exilium missus ab ordinario.

Aedes canonicales [adsunt?], sed non habitantur, et ideo sunt quasi dirutae.

[*en marge*] Oratorium sancti Antonii abbatis

Die 26 iunii in tertiis.

Praefatus dominus visitator (etc.) visitavit oratorium sub invocatione sancti Antonii

abbatis, quod propinquum est ecclesiae parochiali praemissae et manutenetur a confraternitate laicali eiusdem loci de Speluncato, quae est erecta auctoritate ordinarii et servit [319v] sub quibusdam capitulis ab ordinario approbatis. Dicti confratres induunt cappas albas et habent suos officiales qui quater per annum renovantur, excepto massario qui renovatur singulis annis, et computa tunc temporis redduntur coram domino plebano et novis officialibus. Habent massam pecuniariam constitutam ex contributionibus certis annuis dictorum fratrum, de qua solent providere confratres defunctos, tribuentes duodecim libras cerae pro sepulchralibus exequiis in eorum depositione et etiam elemosinas suppeditantes pro missis celebrandis.

Visitavit altare pariter manutentum ab eadem communitate, et est provisum de icone et de necessariis ad celebrationem missae quae in eo aliquando solet celebrari absque ullo reddito et onere. Corpus oratorii est satis ad formam et circum circa scamnis ligneis septum. In eo congregantur singulis diebus festivis confratres ibique recitant officium beatae Virginis et alias praeces effundunt.

[*en marge*] Parochialis sanctae Catherinae Spelluncati

Eadem die in tertiis.

Praefatus dominus visitator apostolicus (etc.) visitavit ecclesiam parochialem sanctae Catherinae de eodem loco Speluncati, cuius de praesenti est rector perillustris et admodum reverendus dominus Ioannes Baptista de Falchis iuris utriusque doctor, quam assequutus fuit per annum et sex menses circiter per permutationem alterius ecclesiae sub titulo sancti Ioannis Evangelistae de Muro cum perillustri et admodum reverendo domino Petro de Muretis [*sic*] iuris utriusque doctore, ut ex bullis suae collationis apud ordinarium expeditis apparet, percipiens in annuo reddito libras quinque vel sexcentum monetae Genuae circiter, consistentes in decimis, primitiis et oblationibus et in aliis proventibus bonorum stabilium ecclesiae.

Visitavit sanctissimum sacramentum, quod invenitur asservari in pixide ex auricalco cum cuppa argentea in totum deaurata, conopaeo rubei coloris instructa cum cruce in eius summitate, et est ad formam atque inservit pro adoratione et communionibus generalibus et etiam pro [320r] asportando sanctissimo viatico ad infirmos. Visitavit ostensorium pariter ex auricalco cum suo

vitro ad formam, quod inservit pro expositione et asportatione sanctissimi in processionibus et additis aliquibus inservit etiam pro pixide. Vidit baldachinum sericum rubei coloris pro deferendo sanctissimo et etiam umbellam ad formam; mandavit tamen in eius summitate apponi crucem; velum humerale est ad formam.

Pluviale et thurribilum [*sic*] non adsunt, ideo mandavit de eis provideri infra bennium nec non de duabus lanternis magnis pro deferendo sanctissimo. De cereis providetur a communitate, quae etiam providet de oleo pro lampade ardenti ante ipsum sanctissimum sacramentum. Dictum sanctissimum sacramentum asservatur ad altare maius in tabernaculo ligneo in totum deaurato exiguae sed tolerabilis formae, conopaeo albi coloris instructo cum cruce in eius summitate nec non munito sera secreta et clave, quam mandavit deaurari. Supra dictum tabernaculum pendet baldachinum ad formam.

Visitavit fontem, cuius vas est marmoreum, ciborium vero ligneum, sed quia dictum vas marmoreum est in aliqua parte fractum [*sic*], ideo mandavit saltem infra annum de altero vase marmoreo providere. Dictum ciborium est conopeo cerulei coloris instructum et munitum sera secreta et clave quae detinetur paenes dominum rectorem; et in eodem fonte vidit cochlear ex argento pro aqua suscipienda, sicut etiam vidit vasa argentea oleorum chrysmatis et cathecumenorum, et sunt ad formam. Vidit etiam oleum infirmorum in vase argenteo, quod mandavit in posterum asservari in quadam fenestrella conficienda in pariete prope altare maius in cornu evangelii, quam mandavit intus vestiri panno violacei coloris et ostiolo muniri [**320v**] cum sera secreta et clave quae detineatur paenes dominum rectorem, desuper inscribendo litteris maiusculis *Oleum infirmorum*.

Visitavit altare maius, quod manutenetur a communitate, nullum habens redditum nec onus, et est sufficienter provisum de necessariis ad celebrationem missae; de candelis providetur a consortio mulierum ibi erecto auctoritate ordinarii, et gubernatur a domino rectore sub quibusdam regulis ab eodem ordinario approbatis. Habent suas officiales, cuius caput dicitur priora, et renovantur vel confirmantur singulis annis, computa tunc temporis reddentes coram domino rectore et novis officialibus. Habent massam pecuniariam constitutam ex contributionibus certis annuis, de qua solent providere sorores defunctas, tribuentes libras octo cerae pro sepulchralibus exequiis in earum depositione, et etiam solent providere de suppellectilibus sacris altare beatæ Virginis.

Visitavit altare sub invocatione beatae Virginis Assumptae pariter manutentum a communitate, et habet redditum annuum librarum nonaginta et quinque monetae genuensis, provenientium ex quibusdam legatis in favorem domini rectoris pro tempore cum onere celebrandi missas in eodem altari ut ex institutione. Dictum altare est provisum de icone ad formam et etiam de reliquis necessariis ad celebrationem missae, sed quia muri eiusdem praecipitant et minantur ruinam, ideo mandavit readaptari saltem infra quinque menses. Ex parte cornu evangelii vidit capellam noviter erectam, ut dictum fuit a domino <domino> (?) Petro de Muratis [*sic*], [321r] sed fabrica illius adhuc non est completa neque altare est in ea erectum, ideo mandavit saltem infra annum per eum compleri, alias devolvatur ad communitatem.

Corpus ecclesiae est dealbatum et ad formam, sicut etiam sunt eius fores, mun[i]tae ser<r>a secreta et clave [quae detinetur] paenes dominum rectorem. In dicta ecclesia adest tumulus manutentus a communitate. Visitavit sedem confessionalem et invenitur ad formam. Prope fontem baptismalem visitavit sacrarium, quod mandavit muniri ostiolo cum sera secreta et clave quae detineatur paenes dominum rectorem.

Doctrina christiana docetur singulis diebus dominicis a prandio per dominum scholae magistrum.

Nuptiae non benedicuntur, ideo mandavit in posterum benedici ad formam missalis romani, et si sponsi negligentes fuerint in benedictione petenda contra eos poenam statuendam (etc.).

Procuratores ecclesiae singulis annis renovantur et computa tunc temporis redduntur coram domino rectore et novis procuratoribus.

Visitavit suppellectilia sacra, quae invenit asservari in choro in quodam scamno sera secreta et clave munito, et sunt tolerabiliter sufficientia.

Visitavit aedes canonicales et invenit satis sufficientes, et inhabitantur a laicis locationem solventibus domino rectori.

Vidit libros parochiales, quos invenit ad formam, sicut etiam vidit librum de statu animarum ad formam. Animae huius parochiae sunt in totum biscentum septuaginta et septem, ex quibus communicantur biscentum circiter, et omnes paruerunt praecepto ecclesiae, prout ex schedulis quas distribuitur [*lire distribuntur*] (etc.).

Vidit campanile cum duabus campanis ad formam.